

20 PATI sedang ubah suai bangunan dikutip Imigresen

Johor Bahru: Seramai 20 pendatang asing tanpa izin (PATI) ditahan Jabatan Imigresen ketika sedang menjalankan kerja ubah suai bangunan di Mount Austin, di sini, kelmarin.

Mereka yang ditahan dalam Ops Kutip itu berusia antara 22 hingga 58 tahun, membabitkan 14 lelaki dan dua wanita warga China serta empat lelaki warga Myanmar.

Pengarah Imigresen Johor, Datuk Mohd Rusdi Mohd Darus, berkata operasi disertai sepasukan pegawai Bahagian Penguat kuasa Jabatan Imigresen Johor dilancarkan bagi mengesan pelanggaran undang-undang imigresen.

Kesalahan itu, katanya, termasuk pengajian warga asing tanpa dokumen sah serta salah guna pas lawatan sosial.

“Ketika serbuan, beberapa pekerja asing terbabit cuba melarikan diri, namun tindakan pantas anggota penguat kuasa berjaya menghalang cubaan mereka,” katanya dalam kenyataan di sini semalam.

Muhd Rusdi berkata, semua PATI itu yang disyaki melakukan kesalahan mengikut Akta Imigresen 1959/63 dan Peraturan-Peraturan Imigresen 1963 dibawa ke Depot Imigresen Setia Tropika, di sini untuk siasatan dan tindakan lanjut.



Sekumpulan pendatang tanpa izin ditahan ketika Ops Kutip dalam bangunan yang sedang diubah suai di Mount Austin, Johor Bahru, semalam.

(Foto Imigresen Johor)